

原刊影印

民國佛教期刊文獻集成

任繼愈題



民國佛教期刊文獻集成

任繼愈題

第 125 卷



淨業月刊

中國書店

中華郵務局特准掛號認爲新聞紙類

(第六期)

淨業月刊

程德全題



淨業月刊第六期目錄

論說

淨土資糧篇……………寄塵

法語

印老法師開示法語……………寄塵謹錄

著述

釋迦牟尼佛別傳……………丁福保居士

文苑

金剛經功德頌序……………印老法師
歸宗精舍同修淨業序……………印老法師

淨業月刊 第六期

杭州彌陀寺淨土道場重訂修持規則募集資糧緣起疏
沈書軒居士傳……………沙健庵居士
鄒黼卿先生像贊……………智海
詩八首

專錄

天台山萬年寺三壇戒法集要(續)……………諦老法師

書牘

與泉州大同放生會書……………印老法師
致黃智海書……………弘一法師
覆弘一法師書……………智海
覆某某二上人書……………歐陽石芝居士

目錄

致虹廟張鍊師書……………上海佛教維持會
覆蔡君匹志書……………智海



特

載



佛教洋業社緣起及章程



雜

錄



上海龍華寺長期佛七緣起

轉禍爲福之捷徑……………佛學推行社尤雪行居士

焚經受罪

江蘇省財政廳長之蔣夫人放豕記……………李壽平謹述

勸東嶽關帝二會宜素食文……………靜安居士



阿彌陀如來相





論

說



淨土資糧篇

寄 塵

何名淨土。佛地是也。何名淨土資糧。善根福德是也。經云。不可以少善根福德因緣得生彼國。由是而言。善根福德。誠吾人往生淨土之資糧矣。夫所謂善根福德者。廣說則無量。今就其最顯明而最切要者。如觀經云。一者。慈心不殺。具諸戒行。二者。讀誦大乘方等經典。三者。修行六念。迴向發願。願生彼國。具此功德。一日乃至七日。即得往生。是其明證。六念者。所謂念佛、念法、念僧、念戒、念施、念天。是也。慈心具戒。不離念戒。讀誦經典。不離念法。是故舉一六念。直可兼攝前二。述此六念。有二。一次第二。依名釋義。

初次第者。亦有二。初別說。後總說。

初別說。次第者。謂人中寶者是佛。九十六種外道法中寶者是佛法。一切衆中寶者

是僧。以是因緣。一切衆生。皆蒙佛恩。皆仗佛力。故得聞法。是故念佛在前。次第念法。次第念僧。僧隨佛語。能解法故。此爲淨土因行。若學念佛三昧果報得者。如經云。水鳥樹林。皆演微妙之法。聞是音者。自然皆生念佛念法念僧之心。

復次。念三寶已。當禮三寶。

一者禮佛。經云。欲禮拜如來神寺者。當行十一法。謂興勇猛意有所堪故。意不錯亂。恆一心故。當念專意。諸止觀故。諸念永息。入三昧故。意及無量。由智慧故。意難觀察。由其形故。意惔然靜。由威儀故。意無流馳。以名稱故。意無想像。由其色故。梵意難及。由柔饒響故。

二者禮法。經云。欲行禮法有十一事。謂有慢當除慢。夫正法者。於欲而除渴愛想。於欲而除欲。能斷生死深流。獲平等法。斷諸惡趣。尋此正法。得至善處。能斷愛網。行正法者。從有至無。行正法者。明靡不照。至涅槃界。思維此十一法者。獲福無量。

三者禮僧。經云。修禮僧者。當專十一法。一如來聖衆正法成就。二上下和合。三法法

成就。四戒成就。五定成就。六慧成就。七解脫成就。八解脫知見成就。九能常護三寶。十能降伏外道異學。十一作一切衆生良友福田。

由如上義。往生論說。觀彼菩薩。有四種正修行功德。第四成就云。彼於十方一切世界。無三寶處。任持莊嚴佛法僧寶功德大海。徧示令解。如實修行。又觀經云。三歸五戒。不犯威儀。爲淨業正因。

後總說次第者。由佛因緣故。法出世間。由法因緣故。有僧。行者自念我當云何能得法寶。得預僧數。當除一切粗細身口惡業。由是因緣。當說持戒。以有戒故。欲除心惡。當破慳貪。是故次第當說念施。以持戒故。得定生天。滅諸惡覺。積集善根。得生極樂。是故次第當說念天。

復次。佛如醫王。法如良藥。僧如瞻病人。戒如服藥禁忌。復作是念。如上四念因緣。得差此煩惱病。乃由先世今世於三寶中。布施得福所致。是故三寶中有無量功德。此施亦有無量功德。又行者未得道時。或心着人間五欲。若能斷淫欲。則生上二界天。

不能斷者。則生六欲天。由得道生天。因緣故。如是漸次。可得往生淨土。故說如是六念次第。

復次。佛十號具足故。佛法得清淨。巧出善說。智者得解故。二十七賢聖是佛弟子。爲世無上福田故。如是三寶。若行者念之。恐怖卽除。若破戒心。畏墮地獄。若慳貪心。畏墮惡道。故念戒施。亦除怖畏。諸天是持戒布施果報。是故念天。亦除怖畏。由上六念善根福德。因緣得生淨土。

復次。下界中多說六念。以諸衆生。諸根不具。得惡趣身。欲令持戒。故教念戒。以諸衆生。貧窮困乏。欲令捨慳。故教念施。以下界人。不及天故。意欲令其修天行故。故令念天。彼國衆生。無惡趣故。自念修善。無犯戒垢。故不念戒。無貧乏者。故無念施。然亦持華。歷散諸佛。是供非施。由彼衆生。無慳悋垢。故不念施。彼人形貌。及所依止。勝第六天。故不念天。以三寶福田。最勝無比。是故彼極樂國土。但念三寶。大涅槃經云。盲賊念佛。還得眼根。釋女念佛。手足還具。商人念佛。卽免魚難。摩訶斯那念佛。得除瘡痛。

觀經云。一念阿彌陀佛。除八十億劫生死之罪。法華經云。一稱南無佛。皆得成佛道。如是名爲念佛之力。大品經云。念般若波羅蜜。除四百四病。離諸災難。消諸惡業。或念諸三昧。得勝知見。是爲念法之力。若人念觀音地藏虛空藏等菩薩。諸難消除。所願果遂。是爲念僧之力。

復次。觀經四帖疏。釋修行六念云。言念佛者。卽專念阿彌陀佛口業功德。身業功德。意業功德。一切諸佛亦如是。又一心專念諸佛所證之法。並諸眷屬菩薩僧。又念諸佛之戒。及念過去諸佛現在菩薩等。難作能作。難捨能捨。內捨外捨。內外捨。此等菩薩。但欲念法。不惜身財。行者等既念知此事。卽須常作。仰學前賢後聖。捨身命意也。又念天者。卽是最後身十地之菩薩。此等難行之行已過。三祇之劫已超。萬德之行已成。灌頂之位已證。行者等既念知已。卽自思念。我身無際已來。共他同時發願斷惡行。菩薩道。他盡不惜身命。行道進位。因圓果熟。證聖者。踰於大地微塵。然我等凡夫。乃至今日。虛然流浪。煩惱惡障。轉轉增多。福慧微微。若對重昏之臨明鏡也。忽思

論說 淨土資糧篇

付此事有不心驚悲歎者哉。



(未完)

六



法



語

佛教淨業社丙寅八月初十日佛七第一日恭請

印老法師開示法語

寄塵謹錄

今天是念佛七的第一日。我把念佛七的來歷。說與諸位聽。現在打念佛七的地方很多。其所修方法。及開示的言辭。大致亦復相同。我今先將此次念佛七的因緣說。再將念佛的大綱說說。如此。可以明白念佛宗旨之所在。若不明大綱。雖細微曲折說來。亦不得真實利益。以根本未知。立不定脚跟。或隨經教知識語言所轉。以至捨此而修餘法門也。

念佛一法。如阿伽陀藥。梵語阿伽陀。華言普生。亦云總治。以普生總治一切病故。念佛一法。能除八萬四千煩惱。亦復如是。所以念佛法門。包羅萬象。一切諸法。無不從此法界流。一切諸法。無不還歸此法界。以其爲諸法總持。故得無法不備。無機不收。

也。佛唯欲衆生超凡入聖。了生脫死。然衆生根機不一。心願各別。或有衆生。求福求壽。求財求子等。只要心誠求之。有求必應。此雖是世間法。然接引下根。漸種善根。故亦滿願。若論佛之本意。唯欲衆生一心念佛。求生西方。仗佛慈力。臨終接引。往生西方。一得往生。便出三界輪迴之苦。從茲漸進。以至成佛。方爲念佛究竟實義。

一因緣

若論來因。此話狠長。曾記民國十一年。光至申。住太平寺。江易園居士。因大陞輪船失火。欲作佛事。光勸他念佛七日。又令彼公司主事者。陪念到底。以念佛利益。比他種佛事。功德超勝。欲令燒死溺死之人。得真實利益。故令專一念佛也。前年江君夫人死。欲作佛事。寄洋一百元。祈光爲作佛事。於是在普陀法雨寺。打一佛七。圓滿之夜。頗有靈感。然江君本來對於念佛心甚切。其全家被他感化。念佛亦甚切實。因於喪事中。全家念佛。不特此也。江君於家鄉頗著名望。其對鄉人也。平時皆勸其念佛。一方之人。皆受其感化。凡鄉間送奠儀者。悉皆却之。向人言。凡來吊喪者。念佛一支。

香勝於送奠禮多多矣。自是鄉人分作數班。一日來一班念佛。念至數日方了。由有此種原因。江君的兒子名叫有朋。于法雨佛七圓滿之夕。夢見來許多信。就中取一信上樓上佛堂看之。佛堂之燈明踰電光。打開信封。係一圖畫。卽極樂世界之境象也。法雨打佛七共有十六僧人。於先一日。光對僧衆說。你們念佛。要老誠懇切。自他俱得其益。因此僧人各各認真。此亦靈感之一因也。此事略狀。已登諸居士林林刊。欲知其要。可檢閱之。

去年。江易園君父親死。彼亦寄洋祈光爲打佛七。今年。其友吳長榮之母死。亦寄洋祈打佛七。現在張嗇公死。因他有師生之誼。亦寄洋百元。祈打佛七。彼信寄普陀。光於本月初三來滬。初四到南京。初七回滬。始知其事。商之太平寺真達和尚。但太平寺已應趙竹君家佛七。不能並行。復轉商於關別樵居士。就佛教淨業社爲道場。關居士面允。所以今日就此處爲佛七道場。

江易園居士平生最歡喜念佛。對於念佛法門。提倡不遺餘力。頗著靈感。去年婺源

地方亢旱。易園勸大家一心念佛。不幾日。卽下大雨。因此立一佛光蓮社。入社念佛者甚多。亦拉光爲名譽會長。其念佛靈感。種種不一。如禱雨祈晴及愈病等事。皆頗彰著。可知念佛利益最大。此爲第一種種因緣。

又去年李雲書居士。因其弟婦病重。來太平寺欲作佛事。我勸他打念佛七。其弟婦之病。經許多醫生醫不好。末後一醫生。憫其受苦難堪。令吃快活藥以速死。雲書因爲設法求佛加被。故此來與光商。光令打念佛七。不久。光回山。亦不知得何利益。至今年四月初七。光往居士林。看諦閑法師。李雲書亦來。言去年當打佛七第一天。他的弟婦。得了一夢。夢見在三聖堂。同僧衆在一處念佛。工夫甚久。且甚清爽。病遂漸輕。雲書對彼說。我在太平寺爲你念佛。不是三聖堂。彼弟婦言。不是太平寺。是三聖堂。後來打聽。方知太平寺。是普陀三聖堂下院。可見有病之人。若能念佛。必蒙佛力加被。令病痊癒。此其明證者一也。今年七月間。李雲書自己已有病。當病重時。請數居士念佛。後以昏迷不懂人事。乃止。繼思去年弟婦打佛七事。着人至太平寺。訪我及

真達和尚。因我二人。同在普陀。遂寄信祈來滬打佛七。以七月間普陀香市已過。時正清閒。遂在普陀三聖堂打佛七。擇於七月十四日開壇。二十日圓滿。光十三日卽與雲書信。十七日彼回信云。已好了八九了。現在李雲書病體全好。只是體氣尙未復原。李雲書如此重病。藉佛七加被。得以痊癒。靈驗如此。此其明證者二也。

二綱領

現在的人。多多好奇。好鋪排張羅。如護國仁王法會。金光明法會。持楞嚴呪法會。大雲輪法會等。此種法會。功德利益。不可思議。但以今人財力單薄。色力單薄。雖云舉行。難獲勝益。以非人人能行之事故也。若念佛、念觀世音菩薩。則無有一人不能行者。故其利益。非一切法會所能比也。以念佛法門。三根普被。最爲透機。雖孩提之童。亦能爲之。若念經。只可少數人。不能人人皆念。四五年前。四川一通告寄來。言川中戰事不息。欲祈消滅。令一切人念楞嚴呪。要知楞嚴呪。能諷誦者。千人之中。難得其一。且刊印許多。令人佩帶。及貼於門首等事。既煩瑣。所費又多。何如念佛。或念大悲。